

Primum & secundum Arctici Orbis Regnum.

*Norvegia,
Vnde dicta.
Situs.*

*Caeli & Soli qua-
litas.*

*Animalium va-
rietas.
Imperium majo-
rum.*

Vrbes & opida.

BRITANNIA, qua potuimus fide perlustrata, sequitur in Methodo nostrâ *Orbis Arctici*, quem *Scandi-
am & Scandinaviam* veteres, *Officinam Gentium*, & *Vaginam Populorum* incomperita magnitudinis Plin-
us vocat, vicinus extremo ad Boream Germaniæ littori, in tria Regna Norvvegię, Suecię & Danię
multis jam sæculis distinctus. Occurrit ergo nobis *Norvegia* primo loco lustranda. *Norvegia* etymos
minime obscurum est. A *Nord* enim quod Septentrionem, & *Weg* quod viam sonat dicitur, quasi Septen-
trionis via vel Septentrionalis tractus. Hęc ad Austrum habet Danię, ad Occasum Oceanum; ad Ortum
Suecię, Lappięque ad Septentrionem terminatur, a quibus excelsis & asperis separatur Montibus perpetuo
nive obductis. Tractus omnis Occidentem versus scopulis acutisque petris avius est, atque etiam versus Me-
ridiem saxosus, ea præcipue parte quæ Cimbrorum Chersoneso objacet, unde 250 milliarium intervallo distat.
At tractus ille omnis tam ad Occasum quam ad Meridiem Cælo mitis est; non enim mare congelatur, ne-
que diu nives durant; sed terra ipsa non adeo fertilis est, & ad suppeditandam alimoniam Incolis neutiquam
par. At abundat hæc regio pecore & feris, in quibus albi Ursi sunt inusitatae magnitudinis: sunt & Castores
innumerae aliæ. Fuit Norvegia Regnum aliquandiu admodum florens, Imperiumque tenuit per Danię
teque per Insulas maris, donec domesticum Imperium per hæreditariam successionem administratum fuit. Po-
stea sub interregno consensu Procerum institutum est, ut Reges per electionem susciperentur. A Suibdag-
ro autem secundo ad Christiænum ultimum, Reges interveniunt 45. Est vero nunc sub potestate Danorum
Quinque in ea in universum hoc tempore sunt Arces Regiæ, totidemque Præfecturæ præcipuæ: quarum pri-
ma & extrema versus Meridiem est *Bahusia*. Ei subiecta Opida, *Marstrand* in peninsula scopulosa situm, &
Halecum piscatura nobile; & eo obscuriora *Koengeef*, *Congel* forte prope *Bahus* & *Oddevold*, nisi sit *Oddevold*.
Secunda Arx est *Aggerhusia*, in cujus provincia cellissimi mali navium, & asseres querni & abiegni, lignaque
ædificiis idonea ingenti copia in Hispanias & alias regiones quotannis evehuntur. Opida huic subijciuntur
Astloia Episcopi sedes: inprimis colitur ab exteris: ob Curiam ad quam ex universa Norvegia causæ deferuntur.
Item *Tonsberg* seu *Koningsberg*, *Fridrichstad*, *Salzburg* & *Schin* vel *Schon*, ubi Fodiinæ Cupri & Ferri sunt
item *Hammaria* major & minor, regiones olim Episcopales, nunc Astloiensis inspectioni commissæ, & finem
Mosiano interlabente divisæ. Tertia Arx est *Bergerhusia*, sub ea sunt *Bergi* vel *Berga* & *Staffanger* civitates. Et
autem *Berga* totius Norvegię Emporium celeberrimum & horreum, Præfecti Regii ac Episcopi sedes. Ibi
Piscis ille nobilis & delicatus venditur, qui secundum littus Norvegię captus, piscis Bergensis dicitur, pro-
pterea quod inde in multas regiones a Mercatoribus distrahitur. Sunt ibi Vandalicarum & maritimarum ci-
vitatum famuli, qui cum ibi mercandi causa totum annum perdurent, partem unam urbis occuparunt, quam
Incolę pontem, exteri vero tabularium suum vocant. Portus hic etiam est optimus atque tutissimus.

Staffanger